

# INUIT ATAQATIGIIT

## INATSISARTUNI



12. august 2011  
03. januar 2011

UKA 2011/19  
UPA 2011/35

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Naalakkersuisut siulersuisunut, sinniisoqarfinnut imaluunnit assigisaannik ataatsimoortumik siuttoqarfinnut ilaasortanik toqqaanermanni arnat angutillu naligiissinnisaat siunertaralugu Arnat Angutillu Naligiissitaanissaat pillugu Inatsisartut inatsisaata nr. 7, 11. april 2003-meersup allannngortinneqarnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunersuut.** (Inatsisartuni ilaasortaqaq Naaja Nathanielsen, Inuit Ataqatigiit)

### Tunngavilersuut

Arnat Angutillu Naligiissitaanissaat pillugu Inatsit najoqqutaralugu Kalaallit Nunaanni arnaaneq angutaanerluunniit apeqqutaatillugu assigiinnngissitsinissap pinaveersaartinneqarnissaa qulakkeerneqartussaavoq. Inuiaqatigiinni ingerlassani tamani arnat angutillu naligiimmik oqartussaaqataanissaat periarfissaqarnissaasalu qulakkeerneqarnissaat Inatsimmi siunertaavoq. Kalaallit Nunaanni innuttaasut oqartussaaqataanerat tunngavigalugu ingerlatsinermut tamanna pissusissamisoortutut isigineqarpoq, tamatumanilu innuttaasut naligiissumik periarfissaqatitaasariaqarnerat naligiissumillu ataqqineqartariaqarnerat periarfissinniarnearluni.

Inatsimmi § 6 naapertorlugu pisortat ingerlassaanni siulersuisuni, ataatsimiititaliani, sinniisoqarfinni ataatsimiititaliarsuarnilu ilaasortassat Naalakkersuisunit toqarneqartut ”sapinngisamik” arnanik angutinillu naligiimmik inuttalersorneqartassapput. Tamanna aamma ingerlatsivinnut immineq pigisunut, ingerlatseqatigiiffinnut, aktianik piginneqatigiiffinnut piginneqataassuteqarluni ingerlatseqatigiiffinnut Landskarsimit annertunermik aningaasaliivigineqartunut piginneqatigiinnikkullu affaa sinnerlugu piginneqataaffigisanut atuuppoq. Oqaaseq ”sapinngisamik” uanga naliliinera naapertorlugu ersernerluppaarpoq, kiisalu inatsimmi siunertarisanut nalequtinginneranik kinguneqarluni.

Siunnersuummi matumani arnat siulersuisunut ilaasortaasut amerlinissaat siunertarineqarpoq, taamaattorli aamma siunissami angutinik immikkoortitsisoqannginnissaa qulakkearnearluni. Siunnersuut naapertorlugu ima kinguneqassaaq, inuit pingasut toqarneqaraangata minnerpaamik ataaseq arnaassaaq (imalunnit angut), ilaasortassanillu tallimanik toqqaasoqassagaangat minnerpaamik marluk arnaassallutik angutaassallutiluunniit il.il.

Inatsililiornikkut isummanik ileqquliussanillu allannnguisinnaasarnaq naliginnaalluinnar-poq. Tamanna assigiinnngitsorpassuartigut pisareerpoq. Matumanili qinnutigissavara Kalaallit Nunatsinni inatsit pioreersoq sukaterneqassasoq, taamaaliornikkut arnat inuiaqatigiinni peqataanerunissaat oqartussaaqataanerunissaallu pitsaanerusumik periarfissikkumallugu. Arnat akornanni nukinnik piukkunnarluartunik peqartoqarnera upperaara, ullumikkulli

ileqqutoqqat najoqqutaralugit eqqarsartariaaseq matoqqasumillu suleqatigiittoqartarnera pissutigalugit tamakku atorneqanngillat.

Misissuinerpassuit takutittareerpaat ulluinnarni ingerlatsinermi siulersuisoqarnermilu assigiinngiartumik inuttalersuisarnek ingerlatsiviit aningaasaqarnerannut iluaqutaasartoq. Allatut oqaatigalugu ulluinnarni ingerlatsinermi siulersuisunilu ilaasortatut sulinermi arnaaneq angutaanerlu, qassinik ukioqarneq, suliaqarsimanikkut tunuliaqutaqarneq misilittagaqarnerlu aallaavigalugit assigiinngitsunik inuttalersuinissaq pisariaqarpoq. Taamaaliornikkut nutaaliornissap aalajangiiffigisassallu killiffiginerini siammasinnerusumik toqqammaveqarneq periarfissinneqarsinnaammat. Ukioq 2009-mi qaammammi septembarimi McKinsey & Company-p misissuineranni ulluinnarni ingerlatsinermi arnat suleri-aaserisartagaat sulliviup piffissani ajornartorsiorfiusuni, pissutsinullu nutaanut piareersartariaqarnerisa nalaanni siuttuullutik sulinerat pitsaanerpaasartoq takutinneqarpoq<sup>1</sup>.

Siunnersuutigisama massuma piareersarnerani ukiut 25-it ingerlanerini suliffeqarfiit pisortanit pigineqartut ulluinnarni ingerlatsisuini siulersuisunilu arnat angutillu qanoq agguataarneqarsimanerat misissuivigisimavara. Aktianik piginneqatigiiffiit pisortanit pigineqartut 15-it akornanni arfinillit siulersuisuini arnamik ilaasortaqaalernissaanut ukiut qulit *amerlanerusulluunniit* atorneqarsimapput. Aktianik piginneqatigiiffik ataaseq ukiuni aqqa-neq marlunni atareerluni ulloq manna tikillugu siulersuisuni arnamik ilaasortaataqarsimangilaq. Oqartorsinnaavoq siulersuisuni arnanik ilaasortanngortitsiniarneq sukkaatsuaqqamik ingerlasoq. Alla soqutiginaateqateqartoq tassaavoq, ukiut ingerlanerini siulersuisuni assigiinngitsuni ilaasortat aqqi taakkuukajuttartut takuneqarsinnaammat. Ima paasineqarsinnaavoq siulersuisuni assigiinngitsuni angutit taakkutoqqat annertuumik ilaasortaatinneqartarsimasut, sulilu ilaasortaatinneqartut. Taamaammat aamma siulersuisuni nukiit nutaat misilittagaqaalernissaat siunertaralugu kinguaariit najoqqutaralugit nikit-tarnissannik qulakkiinissaq pisariaqarpoq.

Ullumikkut suliffeqarfinni tamakkiisumik ilaannakuusumilluunnit pisortanit pigineqartuni siulersuisuni ilaasortat arnat taamaallaat 25,3 procent-iupput. Suliffeqarfinni pineqartuni pisortat pisortaaqataasullu qiviassagaanni kisitsit sulii appasinneruvoq. Suliffeqarfinni arnaq ataasiinnaq pisortaaavoq arnallu pisortaaqataasut 15 procent-it missaanniiginnarlutik. Nunatta ineriartornera iluamik toqqammavissaqartissagutsigu eqqarsariartaatsit nutaat pisariaqartippagut. Siunnersuut manna taamatut ineriartornermut toqqammaviliisussaassaq, sukkanerusumillu ingerlatsilernermit sakkussaassalluni.

### **Pisortaqarfimmu aningaasaqarnikkut aqutsisoqarnikkullu sunniutit**

Siunnersuut pisortaqarfimmu aningaasaqarnikkut imaluunniit aqutsisoqarnikkut sunniuteqassanngitsutut naatsorsuutigineqarpoq.

### **Inuussutissarsiuteqarfimmu il. il. aningaasaqarnikkut sunniutit**

Siunnersuut inuussutissarsiuteqarfimmu il. il. aningaasaqarnikkut sunniuteqassanngitsutut naatsorsuutigineqarpoq.

### **Innuttaasunut aqutsisoqarfikkut sunniutit**

Siunnersuut innuttaasunut aqutsisoqarfikkut sunniuteqassanngitsutut naatsorsuutigineqarpoq.

---

<sup>1</sup> "Women matter 3 – women leaders, a competitive edge in and after the crisis". McKinsey & Company, september 2009

**Ilangussaq siunnersuut UPA 2011/xx**  
**BILAG til forslag EM 2011/xx**

**Pisortat tamakkiisumik ilaannakortumilluunniit Kalaallit Nunaanni suliffeqarfiutaanni siulersuisuni ilaasortat arnat angutillu agguataarneqarnerat**

**Kønsfordeling i bestyrelser i de helt eller delvist offentligt virksomheder i Grønland (December 2010)**

Navn	Kvinder/Arnaq	Mænd/Angutit
Royal Greenland	2	7
RAL	2	6
KNI	1	5
GG	2	1
GTE	0	3
INI	1	3
Tele Greenland	3	3
GV	1	2
Nunaoil	2	3
Nunaminerals	0	5
Air Greenland	2	6
Grønlandsbanken	3*	6
Inuit Service Co.	0	3
GD	1	3
Illuut A/S	0	3
<b>I alt</b>	<b>20 ud af 79</b>	<b>59 ud af 79</b>
<b>Procent</b>	<b>25,3</b>	<b>74,7</b>

\* tamarmik sulisut sinniisaat/alle medarbejderrepræsentanter

**Pisortat katitigaaneri (suliffeqarfiit nittartagaanni takuneqarsinnaasut tunngavigalugit)**

**Ledelsessammensætning (baseret på oplysninger fra de respektive hjemmesider)**

NB: Naatsorsuusuaq direktørinik pisortanillu akuugaavoq / opgørelsen er en blanding af direktioner og ledelser.

Navn	Kvinder i ledelsen/Arnat	Mænd i ledelsen/Angutit	Direktør	Første kvinde i bestyrelsen
Royal Greenland Siden 1990-imiit	0	6	Mand/Angut	1990
RAL Siden 1990-imiit	2	9	Mand/Angut	2005
KNI Siden 1992-imiit	0	4	Mand/Angut	2002
GG Siden 1990-imiit	0	1	Mand/Angut	1990
GTE	?	?	Mand/Angut	?
INI				

Siden 1993-imiit	0	1	Mand/Angut	1996, måske før
Tele Greenland Siden 1993-imiit	1	11	Mand/Angut	1997
GV Siden 1994-imiit			Kvinde/Arnaq	1995
Nunaoil Siden 1985-imiit	0	2	Mand/Angut	2006
Nunaminerals Siden 1998-imiit	1	3	Mand/Angut	Ingen
Air Greenland Siden 1986-imiit	0	7	Mand/Angut	2005
Grønlandsbanken Siden 1987-imiit	6	8	Mand/Angut	1987
Inuit Service Company Siden 1987-imiit	-	-	-	1988
GD Siden 2006-imiit	0		Mand/Angut	2010
<b>I alt</b>	<b>10</b>	<b>53</b>		
<b>Procent</b>	<b>15,9</b>	<b>84,1</b>	<b>92 % mænd/Angutit</b>	